

دار مسنين



بعد الشقا..... وتعب السنين
نربي في بنات وبنين
أخرتها عشنا في دار مسنين
لما بقوا ولادنا عننا مشغولين
وإحنا اللي كنا بيهم مشغولين
ولافي يوم كنا معاهم مقصرين
وعليهم من الهوا بنبقى خايفين
وفي مستقبلهم بنفكر وقلقائين
ياما تعبنا علشانهم
وعيوننا باتوا سهرانين
كانوا يلعبوا حوالينا ونشيلهم فوق أكتافنا
رغم تعبنا كنا بيهم فرحانين
وكبروا مع مرور السنين
ربنا يحرسهم ويحفظهم من العين
بس من فعلهم قلبي حزين
أصلهم بينا مايقوش حاسين

ولكلامنا مش طايقين
بقينا تقال عليهم
ولينا مش مستحملين
و يغيبوا عننا بالشهر والشهرين
ولما نعتب عليهم يقولوا معذورين
مش فاضيين على طول مشغولين
طيب واللي يسأل علينا مين
وأولادنا عننا مشغولين
وعشان يكونوا مرتاحين
رمونا وسابونا في دار مسنين
عايشين لكن ميتين
وبقينا من شجرة مقطوعين
وأولادنا بقوا لنا ناسيين
وما بقوش لينا محتاجين
وفي بعادنا هم مرتاحين
وأحنا كمان عايشين
في دار مسنين.
أخرة تعب السنين